

中華民國郵政特准掛號認爲新聞紙類

中 華 民 國 三 年 六 月 廿 九 號  
湖 南 官 書 報 局 印 行

# 湖 南 政 報

## 本報價目

一本報按照陽歷每日出報一本  
一每分每月收大洋六角  
一零售每分銅元四枚

一外埠購報郵費以購報之多寡酌加  
一夫役送報如有遺漏請即函告以便補發

印刷 學院街官書報局印刷廠  
發行 文運街官書報局總發行所

# 湖南官書報局廣告

啓者本局印刷廠製出官紙印刷極精取價極廉已呈由 都督兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 都督兼巡按使嚴懲不貸恐未週知特此登報宣告

## 湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

## 照相術預約露布

照相術一書西人最爲寶視常尊重名之曰美術故凡一事一物必有一種之攝影一般人民視爲必須通曉之技術軍人學生尤甚故其學術進步極易吾國照相家尤視爲致富之奇貨秘而不傳欲就而學之非出百數十元之代價不爲功洵爲憾事美術大家田君企業精於斯術特編成是書以餉國人其於攝影之種種手續應用之藥品器具靡不盡情披露使閱者費二三日之時間便能瞭然於胸中也全書裝成一冊定價大洋一元二角先售預約券准期出版半價大洋六角

### 預約經售處

文運街官書報局發行所  
長沙城內駝子橋退思廬

尚德街國民新報館  
浦泰街泰安里湘報館

總發行所駝子橋退思廬

民國二年八月出版印書無多訂購從速

目錄

大總統策令 十一日

大總統告令 十一日

大總統策令 十二日

大總統策令 京啟

大總統申令 京啟

大總統策令 京有

飭

湖南巡按使公署飭

飭衡陽道尹 據該縣知事呈報水災請撥賑款各情業已飭財政廳撥銀五千串交該道尹督同散放仰即遵照由

飭長沙知事 據省警察廳呈報近日穀米陡漲請示禁等情仰即遵照辦理詳報備案由

飭財政廳 各縣知事 將出納等員職名

飭高等檢察廳 地方檢察廳

飭兩道尹 長岳交涉界兩請保游歷英

飭各縣知事 高愛仁堤日商小河內保一由

飭財政廳 據寶慶知事呈縣屬育嬰堂擬就地撥留鹽捐請核示一案仰酌核具覆由

飭公立法政專門學校 准 教育部第一六三號 轉飭知照由

詳批

都督兼巡按使批

批湘潭縣知事詳報查辦水災設法賑濟情形由

批省農會稟設湖南農事試驗場農產陳列所種子購換處請予立案由

批高等審廳據永順知事詳擬開辦習藝自新所一處擬具簡章請示由

呈

內務總長朱啓鈴呈中華佛敎總會章程請飭修正以杜流弊文并 批令

財政總長周自齊呈請修改常關稅則文並 批令

平政院院長汪大燮呈平政院開庭擬定形式以昭整肅請示遵行并 批令

事件

湖南省農會省立農事試驗場簡章

通告

湖南巡按使公署通告 二則

令

大總統策令

司法總長章宗祥呈請任命張善裕署江蘇江甯地方審判廳廳長徐沐三署江蘇江甯地方檢察廳檢察長江忠章署江蘇高等檢察廳檢察官韓焄署江蘇上海地方檢察廳檢察官王世裕爲江蘇高等審判廳書記官長應照准此令

司法總長章宗祥呈請任命高棠恩署河南高等審判廳推事袁庚署河南開封地方審判廳推事應照准此令

司法總長章宗祥呈請任命張蓋臣秦永德署江西高等檢察廳檢察官李琴鶴署江西南昌地方檢察廳檢察官吳開駿爲江西高等檢察廳書記官長應照准此令

司法總長章宗祥呈據吉林高等檢察廳檢察官熊仕導陳請辭職熊仕導准免本官此令

司法總長章宗祥呈請任命孫百福署吉林高等檢察廳檢察官高偉漢署吉林長春地方檢察廳檢察官應照准此令

司法總長章宗祥呈據黑龍江高等檢察廳書記官長張宗海陳請辭職張宗海准免本官此令

司法總長章宗祥呈請任命歐陽雲爲黑龍江高等檢察廳書記官長應照准此令

陸軍總長段祺瑞呈請授張建勳爲陸軍步兵中校應照准此令

陸軍總長段祺瑞呈核鄂豫黃旗漢軍都統擬以恩山補公中佐領文珊俊清福補驍騎校請予准補等語應照准此令

陸軍總長段祺瑞呈核鄂豫黃旗漢軍都統擬以高建章承襲世管佐領請准予承襲等語應照准此令

### 大總統告令

直隸巡按使朱家寶呈稱文安等縣涇河被災地畝應徵租銀擬請援案分別豁免等語涇泊地畝低窪每遇秋霖輒成災象既據該巡按使援照成案請將文安大城霸縣靜海各縣被災地畝上年應徵租銀分別豁免自應照准以紓民困並交財政部查照此令

中華民國三年六月十一日

### 大總統策令

孫兆鸞給予二等嘉禾章此令

張聯陞給予二等文虎章此令

袁文給予三等文虎章此令

張兆辰許耀干樊陽俞燁均給予四等文虎章此令

任命葉恭綽爲交通次長此令

吳炳鑫授爲陸軍少將並加中將銜此令

內務總長朱啟鈞呈前山西巡按使陳鈺請任命靳霖爲省城警察廳廳長應照准此令

內務總長朱啟鈞呈江蘇著錫山縣知事謝宗夏督警會剿迭獲匪徒保全地方功績在民請特令給予勳章等語謝宗夏給予四等嘉禾章此令

四川都督胡景伊呈稱援陝支隊長第十一團團長舒榮衛在漢中防次積勞病故請予議卹等語舒榮衛應准照陸軍少將例議卹交陸軍部查照此令

陸軍總長段祺瑞呈請任命李守忠爲陸軍第六師步兵第十二旅第二十四團團長應照准此令

據陸軍總長段祺瑞呈請將淳樸勦匪出力之步隊管帶劉尙志授爲陸軍步兵中校並加上校銜馬隊管帶禹金成授爲陸軍騎兵少校并加中校銜以示獎勵應照准此令

陸軍總長段祺瑞呈核覆黑龍江護軍使請補齊齊哈爾城等處佐領各缺應准以富興阿福壽希忠滿和補佐領此令

蒙藏院總裁貢桑諾爾布呈據伊克昭盟盟長特固斯阿拉坦胡雅克圖詳請任命奇默特多爾濟爲鄂爾多斯左翼前旗協理台吉應照准此令

蒙藏院總裁貢桑諾爾布呈擬將參事陳毅文斌叙列三等司長李詵任承沈叙列四等秘書龔銘鳳王翊堯僉事范其光何賓笙張仁壽黃恭輔馬吉符群桂李芳春蕭鵬曾闕元章吳燕紹編纂曾繼儀隆弗柏銳馮汝玖繙譯官張文桂樟王錫恩汪海清均叙列五等等語應照准

此令

蒙藏院總裁貢桑諾爾布呈擬將僉事馬爲瓏仍叙四等等語應照准此令

司法總長章宗祥呈擬將秘書胡以魯叙爲四等署秘書朱紹濂叙爲五等等語應照准此令  
據山西都督閻錫山電稱陸軍少將銜續桐溪陸軍步兵上校弓富魁招集土匪逃赴西北二帶希圖謀亂請飭革拿辦等語續桐溪等通緝謀亂實屬罪無可逭應即將續桐溪弓富魁一併褫革軍官由該都督飭所屬軍隊嚴拿訊辦以伸法紀此令

中華民國三年六月十二日

大總統策令

京電

署理四川西川道道尹倪繼奎代理四川東川道道尹裴鋼署理廣西鎮南道道尹何治方均著來京覲見此令

廣西南甯道道尹范雲梯雲南滇中道道尹周鍾嶽雲南蒙自道道尹吳良桐均著開缺另候任用此令

任命方履中爲四川西川道道尹霍勤煒爲四川東川道道尹蔣繪伊爲廣東粵海道道尹王運嘉爲廣東潮循道道尹王典章爲廣東高雷道道尹王壽民爲廣東瓊崖道道尹朱爲潮爲廣東欽廉道道尹張緝六爲廣西南甯道道尹龔百麟爲廣西鎮南道道尹楊福璋爲雲南滇中道道尹周沅爲雲南蒙自道道尹劉均爲雲南普洱道道尹林炳華爲貴州黔中道道尹此

令

任命梁政麟署理四川建昌道道尹梁邁署理廣東至南道道尹楊晉署理雲南騰越道道尹任可澄署理貴州鎮遠道道尹此令

陸士芬給予五等文虎章此令

新疆巡按使楊增新保薦政務廳廳長人員呈請任命等語應准以王學曾爲新疆巡按使政務廳廳長王學曾未到任以前由徐謙護理此令

財政總長周自齊呈據著江西財政廳廳長王純詳稱景德鎮統稅徵收局局長洪漢文自上年九月到差截至本年四月底止較原額盈收三萬六千餘元前辦湖口進口統稅兼出口稅捐徵收局局長陳春華於任差期內經徵稅款除因亂事減免不計外實照原額短收五萬八千餘元請予分別獎懲等語現在財政困難已極全在經徵賦稅之員清白乃心竭誠爲國使中飽淨絕涓滴歸公乃以裕度支而資挽救其虧短公款自肥囊橐者則是害民蠹國法無可貸節經明發命令著效者優獎舞弊者嚴懲各在案查景德鎮統稅徵收局局長洪漢文於贛亂初平之後徵收稅款竟能額外增加至三萬元以上辦理認真成績昭著應予五等金質單鵝章其屬支勞績金即按照獎勵條例第四條第六條之規定辦理至前辦湖口進口統稅兼出口稅捐徵收局局長陳春華經徵未及八月而短收之款竟至五萬八千餘元之多實屬有虧職守更難保無侵挪情弊當此庫款萬絀之時該員陳春華竟敢藐視法令短收鉅款

自非嚴加究治則相率效尤伊于胡底財政又安望起色且該員并經被控有案著即發交該省普通文官懲戒委員會查明控案澈底根究從嚴處罰以昭儆戒此令

蒙藏院總裁貢桑諾爾布呈駐京綽羅斯多羅貝勒唐口色之次子花連布年已及口請授台吉并給予廩餼等語花連布應授爲二等台吉並准照駐京台吉例支給廩餼此令

大總統申令

北京電

虞舜大知猶察邇言諸葛集思願攻吾闕自古善旌諫鼓以逮矇誦瞽箴莫不播爲美談傳諸史冊凡政治清明之世必有靖共正直之風本大總統日昃不遑勤求治理思夫所以奠邦基而答民望者惴惴焉惟蔽耳塞明是懼故於上次覲見肅政史時勗以願聞已過直言無隱茲據代理都督肅政史夏壽康等呈稱請降明令以彰索諫求非之美德而紹拾遺補闕之成規時政得失尤宜建議懇請一併宣布等語查肅政史應本有利彈官吏之職權條例謹嚴僅規狹義與其發覺於事後不如防患於未然嗣後肅政史封呈事件有能獻納箴規指陳利病者本大總統必親加省覽虛衷採納藉彰臺諫謇諤之休力懲晚近阿諛之習有厚望焉此令

廣西巡按使張鳴岐呈稱中渡縣知事藍迺憲袒庇濫押有玷官常除撤任外請付懲戒等語藍迺憲縱容妾弟王湘泉強取民物并將事主毆擊撞傷復敢濫押平民捏詞詳覆實屬荒謬已極藍迺憲着付文官高等懲戒委員會議處以儆官邪王湘泉暨犯事警兵仍由該巡按使飭令該管道尹勒送法庭按律懲辦并交內務司法兩部查照此令

廣西巡按使張鳴岐呈稱署融縣知事楊道清決受賄縱警殃民擬請從嚴懲辦以儆官邪等語查官吏犯贓口繁條例第二第三兩條規定在法贓至五百元以上者處死刑不枉法贓至一千元以上者處以無期徒刑該知事身膺民社乃竟藉端婪索賊欺累疊貽害地方殊堪痛恨既據查明屬實着即發交該省高等審判廳訊明確禁依法嚴辦以爲貪賄殃民者戒并交內務司法部兩部查照此令

中華民國三年六月二十四日

大總統策令

電

屈熾燮恭煦劉焜均給予四等嘉禾章此令

王健飛給予五等文虎章此令

劉喜章陳國良王文漢均給予五等文虎章此令

陸軍總長段祺瑞呈請任命黃瑞霖爲雲南都督府軍法課課長應照准此令

陸軍總長段祺瑞呈核覆甘肅都督擬以烏麟補安西協副將王少林補花馬池營參將馬福壽補河州鎮標左營兼中軍游擊陳春明補涼州鎮標左營游擊請予准補等語應照准此令

陸軍總長段祺瑞呈核覆甘肅都督擬以鮑紹紹補督標後營游擊請予准補等語應照准此令

中華民國二年六月二十五日

謹按

中央政府命令本報係照京電號碼登聞或電碼有誤關係甚小應以政府公報  
到照時查對更正

飭

湖南巡按使公署飭

爲飭知事案據衡陽縣知事車廣詳稱竊照知事前以衡陽發蛟被水各情拍電未達具詳郵報在案乃連日雨仍不止水勢日增所有近日災情更劇連日設法救濟各節謹爲鈞座一詳陳之查衡陽地勢尙高向少水患前清光緒三十二年大水爲數百年未有之災本年六月八號以前連日晴霽九號夜間雷電大作傾盆大雨迄夜不絕迴雁峯濱江山麓震崩十數丈幸未傷人十號十一號仍然大雨如注城中低窪之處水深數尺各處土牆多已傾倒十三號十四號大雨偶歇小雨仍綿綿不絕陸續以至今日浙瀝之聲小止澎瀾之勢又作以致水勢有漲無減濱湘水之北門財埠等三門水已封閉濱蒸水之大小西門亦均路絕不通江東岸地勢稍高漫入屋內亦已三尺有餘西湖蓮湖各學校生徒相率逃命全校停課城中牆頽屋塌之聲不絕於耳居民扶老携幼遷避高坡有走避不及水已封屋者則揭瓦棲居屋頂一切難民半多無衣無食凍餒交加顛連困苦之狀不忍見聞城鄉交通斷絕登高一望惟見白浪掀天難計道里痛苦之狀莫由詳悉知事一面晝夜巡行水次派隊接濟彈壓一面虔誠禱告禁止屠宰并一面商會各紳暨各善堂籌設粥廠又勸諭江西商界開設粥廠二處用划渡送高坡另派划船撈救落水及不能出門之難民當救出老幼男女甚夥各廟宇已經住滿無屋可棲者聽其暫棲縣署大堂二堂各處并於河內撈救一二歲小孩三名留養署內水退招領刻

下人情尚屬安靜惟日夜雨仍如注紳耆謂水勢已似光緒三十二年遠水未到近水方生衡山下游又有出蛟之處更難望其速退查該歲已至全城昏墊賑款巨萬若又過之何堪設想知事奉職無狀天作淫雨心力俱瘁焦灼萬分查衡陽近年暴徒虛耗地方之虧累既深市面蕭條商家之捐輸難恃思維再四仰屋徬徨可否仰求鈞座迅賜委員蒞衡勘驗并發帶銅元二萬串辦理急賑之處不勝迫切待命之至除俟水退查勘四鄉被災分數如何賑濟各情再行詳報外所有衡陽水災劇烈籌辦救濟并懇發急賑各情理合詳請查核示遵等情據此查該縣四境皆水全城昏墊災情重大念之憫惻除飭由財政廳撥錢五千串交由該道尹帶赴該縣督同該知事切實散放以資賑拯外合行飭委該道尹即便遵照前赴該廳具領迅速赴任惟關於該縣一切賑撫事宜安速督縣籌辦惟災情綦重國帑困難該道尹并須督縣會紳就地籌款蘇我子黎仍將遵辦情形隨時詳報備查此飭

都督兼巡按使湯壽潛

右飭衡陽道尹俞壽璋准此

湖南民  
政長印

中華民國三年六月二十二日

湖南巡按使公署飭

爲飭知事案據警察廳報告近日淫雨爲災各礮坊倉戶乘間居奇每米一石由六串三四百文陡漲至七串二三百文請飭示禁等語查現在淫雨成災貧民蕩析情形已極可矜方在極力設法拯救礮坊倉戶竟敢乘間居奇陡漲米價其心實不可問况青黃相接爲日方長若非嚴厲示禁吾民何以聊生合特飭仰該知事即便遵照出示嚴禁一面傳諭米坊首事及穀米經紀到案具結不得再漲如敢刁抗即行嚴懲示儆仍將辦理情形詳報備查此飭

都督兼巡按使湯壽銘

右飭長沙縣知事陳繼良准此

湖南民政長印

中華民國三年六月二十四日

湖南巡按使公署飭

爲飭知事案准審計處咨開本處審查各機關收入計算書支出計算書於審查完結後現依會計條例第三十條三十一條之規定制定核准狀狀內須填會計員出納員姓名交該員收執解除其責任惟各官署管理會計各員屢有更換本處對於以前之決算某月係某員承辦不知其確無從查填請將自二年一月起至三年五月止各該月經辦會計事項之會計員出納員職名列表註明透處嗣後各官署辦理收入或支出計算書所有該月分經辦之會計員

庶務員應於冊尾註明某職官某姓名字樣以憑查核為此咨行查照并請轉飭附屬機關一律遵照辦理等因并附表式一件准此除通飭各機關一體查照辦理外合行飭仰該道即便遵照表式將所有會計或出納員職名填註表內齊送本署彙齊轉報嗣後關於出入計算書應即查照文內事理於冊尾註明各該員姓名以便查核切切此飭

都督兼巡按使湯壽潛

財政廳 各縣知事

右飭各道尹 警察廳准此

高等檢察廳 地方檢察廳

湖南民政長印

中華民國三年六月二十四日

附表

調查出納官吏職名表

機關

會計員暨庶務員  
職名 姓名

管理出納事務之期間

備

考

本表填寫方法

一職名欄內應填寫會計科庶務科之科長或主任等類

一管理出納事務之期間欄內應填寫該員等經管事務期間例如自某年月日起至某年

月日止等類

一如有特別情形則註於備考欄內

湖南巡按使公署飭

為飭知事案准長岳兩關監督外交部湖南交涉署函開准湖北交涉署咨開英商愛仁璽赴湖南安徽河南江蘇等省游歷日商小河內保一水野長次郎均赴湖南湖北河南四川江西安徽貴州等省游歷日商山口忠俊赴湖北湖南河南四川等省游歷日商南部宮藏赴湖北湖南海南陝西四川山西江西等省游歷咨會到署理合函請查核飭各屬一體保護至級公誼等因准此除通飭遵照外合行飭令該知事即便遵照一俟該英商愛仁璽日商小河內保一等到境照約妥為保護仍將入境出境日期呈報備查切切此飭

都督兼巡按使湯壽銘

右飭各縣知事准此

湖南民  
政長印

中華民國三年六月二十三日

湖南巡按使公署飭

爲飭知事案據前寶慶縣知事李光襄詳稱據縣屬育嬰堂經理何壽坤曾咸熙謝鶴年楊贊謨喬鏡淵吳聘華等呈稱昨奉鈞廳令開案奉行政公署指令內字第三六八號令開內務司案呈據該知事呈據育嬰堂經理何壽坤等呈請准銷價外照舊酌加以維公益一案當即據情函致湘岸權運總局查核見覆去後茲准覆稱查鹽稅項下附收經費前奉財政部指令有應呈歸國家者有可暫歸地方者逐款分別曾經本局錄案函達並將改售洋元釐定牌價分別邊腹各岸減免全收款目開單函送在案寶慶運道險遠駁費甚鉅且爲與私侵佔不能不酌減加價各款學費一項已經免收無從撥歸其育嬰費向係該地方另加與通岸章程不合現在查照鹽稅附加稅並無存在之理此款既早經取消何能再行加復惟通岸原有學費一錢善堂費一分尙多仍舊徵收已奉大部核准暫歸地方將來自應照案彙解收存能否於通案所收內分撥寶慶濟用屆期聽候裁奪茲准前因相應函復查照轉飭施行等因准此合行令仰該知事轉飭遵照等因奉此合行令仰該經理等遵照等因奉此經理等自應聽候撥給無庸續請第寶慶地處偏隅距省窳遠與其在通岸所收內分撥則領取較難不惟緩不濟急亦且恐撥款不足供領款者之用不若在通岸原有一分內就寶慶每年銷售若干如數截留由本堂經理直接向寶慶鹽局領取以省周折庶幾國家有慈善之美名赤子受矜恤之實惠

祇得瀆懇據情轉詳以全嬰命而維善堂不勝迫切待命之至此呈等情據此查該堂經理困難本達極點該經理等以寶慶距省路遠若在通岸所收內分撥則領取較難不惟緩不濟急且恐所撥不敷所領者之用亦屬實情惟所請擬在通岸原有一分內就寶慶每年銷售若干如數截留由該經理等就近直接赴寶慶鹽局領取以省周折之處可否自應出自鈞裁知事不敢擅專除明白批揭外理合據情詳請察核批示飭遵等情據此除批據詳已悉仰候飭行財政廳咨商權運局酌核具覆再行飭遵此批印發外合行飭仰該廳長即便遵照咨商權運局酌核具覆以憑飭遵切切此飭

都督兼巡按使湯薌銘

右飭財政廳長陶思澄准此

湖南  
政長印

中華民國三年六月二十三日

湖南巡按使公署飭

爲前知事案准教育部第一六三號咨開爲咨行事前准第四十號文開據公立法政專門學校呈請將法律專科第一第二兩班政治專科第一第二兩班經濟專科第一班統正名爲本科修業年限仍爲四年所有應習科目均按章講授呈請轉報等情請爲察核等因并送各科

課程比較表一冊到部查該校於前清宣統三年七月招考法律政治正科各一班民國成立改稱專科現擬照章正名爲本科尙無不合惟該兩班學生名冊從前并未報經前學部有案應即按照本部二年第四十九號布告詳細填報以憑查核至民國元年添招經濟法律政治專科各一班據稱係照前教育司預定章程辦理以迄於今未經更易等語殊爲詫異查本部所訂專門學校令暨法政專門學校規程於民國元年十月先後公布在案該校自應遵照辦理何以遲至今日始據更改殊屬玩忽現據該校呈稱業已照章更改並將各專科正名爲本科修業年限仍爲四年尙屬可行姑准從寬免其置議惟該班等入校時尙在本部新章未定以前在學各生是否具有中學畢業資格或經試驗有同等學力亦應遵照第四十九號布告詳細造冊呈報以憑核辦相應咨請轉飭遵照等因准此除各項表冊業由該校實呈隨案彙咨毋庸另造外合行飭知該校長即便知照嗣後對於校中各項應辦表冊務須查照部令認真辦理是爲至要切切此飭

都督兼巡按使湯壽銘

右飭公立法政專門學校校長吳滙宗准此

湖南民  
政長印

中華民國三年六月二十二日

詳批

都督兼巡按使批

批湘潭縣知事詳報查辦水災設法賑濟情形由

據詳已悉該縣水災前據具報業經批示在案茲據詳報賑撫各情條理秩然深堪嘉慰現在水勢漸退仰即督促農民及時補種以期有秋并一面注意衛生爲要此批

附原詳

詳爲查辦水災設法賑濟事竊照縣屬近日被水情形業經知事于十三十五等日先後詳電報明在案查此次水災係因連日大雨上游水發以致河流驟漲知事臨河查看雖無冲塌房屋及損傷人口牲畜情事惟沿河兩岸低窪民舍及後湖一帶均被水淹沒蕩析離居良堪憫惻當卽會紳籌議分別地段設廠施粥一城隍廟一藥王宮一紫雲宮一河東太平街共計粥廠四處令附近災民前往就食其不能就食各戶則派撥小划分途施送仍督飭警隊隨時彈壓一面撰就告示沿途張貼以免滋擾而衛公安其款項暫由各善堂提撥事竣籌遣訪查四鄉其田禾雖間有傷損如果水勢速退尙可及時補種無碍秋成除仍留心考察妥爲籌辦隨時詳報外合將分設粥廠設法賑濟情形詳報鈞署察核示遵謹詳

批省農會稟設湖南農事試驗場農產陳列所種子購換處請予立案由

據稟該會籌設湖南農事試驗場農產陳列所及遵設種子購換處各節詳閱各項簡章及修正種子購換處條件均尚妥協應准如稟立案仰即切實進行期收實效是爲至要仍將辦理情形隨時具報查攷此批

附原呈

湖南省農會爲籌設湖南農事試驗場及農產陳列所種子購換處呈請立案事竊中華以農立國當此列強角逐非發揮國家固有特性無以敵世界競爭之烈近日敝會迭奉鈞署及轉奉農商部訓令飭各省人民振興農林事業具見我政府艱難締造代籌人民根本生計之至意惟是農業發展端賴耕作改良欲改良耕作又非采東西農學新法加以實地試驗則泥守舊規成效終末由觀湖南省垣舊有農事試驗場查係甲種農業學校所附設其性質原爲該校生徒實習耕植之用故組織設備均極簡畧蓋一校所立其規模僅能如是也今欲改良全省農業自非另組省立農事試驗場不可敝會於民國元年十一月奉前都督譚轉准農林部咨查湘省農事試驗場規畫情形及應行事項等因奉文之後屢經召集會員籌議開辦旋於二年五月省會開議時併案造具各預算表册列爲議案請撥公款呈奉前兼民政長譚照准交議在案嗣以議會解散事遂中止茲因改良農業係屬目今切要事件又迭奉大府訓令督促振興農利敝會員等重行集議僉謂試驗場之設刻不容緩惟現值公帑支絀若依前此議案全恃行政公署發款

辦理今日恐難見諸事實詳細討論惟有由敝會暫時自行籌畫先立基礎以應目前改良農務之急一俟公帑充裕再議請款補助查敝會入款向只附收米捐一項前此穀米禁止出口會款即已無着此次開關月餘收數五千餘串除填還會中前欠二千餘串外計存錢三千餘串以之應付會中現辦模範林區及農報與幹事月薪各項開支尙屬不敷何能更有興作然試驗場關係緊要不得已惟有移緩就急將現存林區農報及職員月薪應用之三千餘串騰移開辦其方法則將去年議案所列款項力加節省如原列價購場地之二萬餘金全行刪去暫就城外附郭之處租賃地畝訂定年限從事開辦其他進行購置各項器械種子亦擇尤要尤重者先行采買俾基礎稍立俟至秋收米捐暢旺會中經費稍裕再用全力進行又農產陳列所亦爲 部章規定省農會應行設立之一項敝會開辦將及四年至今猶未及及頃奉鈞咨實字第五三三號訓令關於敝會附設各省農產種子購換處兩者均爲刻不容緩之事現值公帑奇絀亦不敢請領開辦經費擬就會場原有大廳稍加修理置備陳列櫥架一面函託本省各縣農會採購國中農品一面就購換處所得各省種子分類陳列并擬仿製新式農器試造各種肥料借資提倡約計用銀數百兩亦可畧有基礎明知規模狹小宏効難期然實業機關宜采積極主義有一分之財力即可辦一分之事業正不敢以公帑支絀遂令當務所亟概歸擱置所有籌設湖南農事試驗場及遵設農產陳列所種子購換處各緣由除另將廣東農事試驗

場籌設種子購換處芻議逐條修正逕行答覆該試驗場外理合造繕各該處場所等項預算簡章暨修正該種子購換處條件呈請鈞署察核俯准立案施行實爲公便此呈

批高等審判廳據永順縣知事詳擬開辦習藝自新所一處擬呈簡章請示由據詳已悉爲治之道不外教養二端該知事擬設習藝自新所一處聚無業之游民與輕罪之監犯授以粗淺手工洵屬知所先務惟圖始爲艱非財莫舉究竟開辦經費確須若干該縣地方財產能否照數提撥在創辦之二三年內出貨未精收入必菲所需常款邑紳能否擔負均應預爲籌計以免輟於半途至所名稱殊嫌腫脹蓋習藝足以眩罪犯而自新不足以概遊民應卽改爲永順縣習藝所以符名實其簡章第八條罰則過重第十條手續太苛十四條暨二十條不分資質之穎鈍同一施罰亦屬不近情理至各條內之典獄名稱尤與現在之管獄員不合均應逐一改定俾臻妥善又罪犯所習藝應如何嚴定看守規則之處并宜妥爲規定俾昭慎重而免疎虞仰高等審判廳會同高檢廳轉飭遵照仍將籌辦情形并成立日期收容人數以及改定章程分別詳細具報以憑查核切切此批

呈

內務總長朱啓鈞呈中華佛教總會章程請飭修正以杜流弊文并 批令

批令

爲中華佛教總會前呈章程流弊滋多請飭加修正事民治司案呈竊維政體改建集會結社一任自由宗教信徒團體林立其宗旨純正熱心教務者固自有之而桀黠詖誕者流藉端牟利往往軼出法律範圍習爲爭攘之風逞其壟斷之欲以致緇素眩瞽訟議糾紛固由亂離之後時勢所趨然亦未始非一二宗教會章不善有以致之也查中華佛教總會於民國元年間先後將所擬章程來部呈請立案疊經抉剔紕繆指令修改該會迄未聲復逕行呈 大總

統批交前國務院通行各在案兩載以來關於該會案件層見疊出其最紛擾者如江蘇如皋縣之廣福寺秦縣之學宮湖南長沙縣之寶寧寺訴訟積牘纏抗不休歷經經行政司法各官廳分別批斥該會迄未遵照解決而本年三月吉林寧安該會分部且有僭擬官廳擅發通告捏稱協同陸軍勦匪情事先後經部駁斥禁止茲復以該會製定證書徽章樣式呈請由部通飭各省都督民政長轉飭所屬地方官諭知各寺廟一體遵照凡在佛門教徒均持此憑證以期統一佛教等情夫教會集合應任自由該會固無可加以強制更何能以官廳命令干涉全國僧侶概令入會則其專橫壟斷情形亦可概見本部推尋弊始檢閱原章逐條紕繆請標舉其尤不適用者如第一條稱全國僧界共同組織定名曰中華佛教總會第十三條丁項稱如未報名入會領取證書各叢林概不挂單等語則意在強迫入會可知矣竊十一條丙項稱監督

本會範圍內一切財產上處分之權又同條癸項稱佛教財產應爲佛教公有或有藉端侵佔本會力任交涉等語則意在囊括財產可知矣又同條戊項稱凡入本會各寺庵住持更替無論傳法傳徒不得私相授受本會爲組織機關須報明查考方得接充等語則意在把持繼承可知矣又同條庚項稱有侵害會務及毀壞會員名譽者應召集全體謀對付之等語則意在特衆挾制可知矣第十九條乙項稱各寺庵須按產業豐尚量力認捐每年分兩季繳足由就地分部經收截留六成餘二成送支部二成送本部等語則意在斂財勒捐可知矣以上各節非法侵權實際之厲本部職司所在熟籌撥本寒源之計彌切積薪厝火之憂倘循茲以往不獨違背僧徒習慣有戾輿情而廟產轉轉之紛爭將秩序亦形其俶擾教會專制之風或恐釀於異日再四思慮未容放任惟有呈明

大總統准由本部飭知該會將前具章程妥爲修正以杜流弊至宗教團體所以聯絡感情昌明教旨釋氏四生普度萬善同歸舍萬劫之塵勞圖一生之佛果最初發心卽不自求人天福報以戒定慧滅貪嗔痴求於如來第一義諦及其究竟則法尙應捨何況非法凡在教徒宜如何離欲淨心庶於佛旨不相悖戾乃竟假借名義侵犯自由覬覦財產其在僧侶固屬破壞宗風而其他莠民假託信徒轉相煽誘隱爲亂萌在在可慮本部爲尊崇信仰起見凡關於管理取締各教徒一切規則現正通盤籌畫分別妥爲規定務使各教之理解明通品行端正者篤守真傳相安無擾非獨於中華佛教總會有所歧視也除將各項規則酌擬呈請核定外所有呈請修正中華佛教總會前呈章程緣由是否有當

謹乞 大總統鈞鑒訓示施行謹 呈  
批令應即飭令修改由部轉知遵照此批

大總統  
統印

中華民國三年六月八日

財政總長周自齊呈請修改常關稅則文并 批令

爲呈請修正常關稅則事竊查各常關稅則有爲雍正初年所定者有爲乾隆甲午所定者歷年久遠物價懸殊而舊則又無值百抽幾之確定因仍沿用稅項既日見短絀商家擔負亦不得其平光緒季年津海山海粵海等關業經先後修改均依據海關稅則或照率折半徵收或互較不相上下各關各自爲政未歸畫一此外墨守成法者更無論矣宣統間度支部稅務處會議整頓常關首及釐訂稅則亦以海關稅則爲張本擬議未定即逢改革各常關五十里外分口向歸本部直轄正在切實整理核定歲額嚴訂考成以期收數漸有起色而根本問題仍在修改稅則折衷前後各議案酌津海山海等關先例當以比照海關稅則折半徵收作爲標準擬飭各關將該處沿用舊則與通行海關稅則互相比較凡舊則不及海關折半之數者應即修改一律比照海關稅則折半徵收其有舊則與海關折半之數相等或逾於海關折半之數者均仍其舊分別切實釐定庶國稅得以增收而商家亦易於遵守五十里內各口歸新關

接管亦應一律辦理已由本部函詢稅務處意見相同所有擬議修改常關稅則緣由理合具

呈謹乞 大總統鈞鑒訓示施行謹 呈

批令應由該部會商稅務處查照修改此批

大總統  
統印

中華民國三年六月十日

平政院院長汪大燮早平政院開庭擬定服式以昭整肅請示遵文並 批令

為平政院開庭擬定服式以昭整肅敬請鑒核事查平政院評事得就行政訴訟事件及糾彈事件行使審理權本院籌備開庭服式亟宜規定大燮與評事等詳為討論本院固與各級普通法庭不同而又未便過簡擬於通常開庭時均照服制第一圖書用禮服服用以歸簡便而昭整肅是否有當謹乞 大總統訓示祇遵謹 呈  
批令准如所擬辦理此批

大總統  
統印

中華民國三年六月八日

專件

湖南省農會省立農事試驗場暫行簡章

第一章 總則

第一條 本場由湖南省農會詳請 巡按使設立爲全省農事模範定名曰湖南省農會模

範農事試驗場

第二條 本場爲試驗種子肥料土壤栽培氣候性質研究改良推做農民以促農事之實地

進行

第三條 本場暫不購買基地擬就省城附近佃租民田爲場址

第四條 本場暫不請領款項其辦費七千三百四十圓常年一萬二千一百二十五圓八角均由本會附收穀米捐項下撥付之

第二章 經營

第五條 本場專就農事實地上之研究爲改良之導線暫從簡易入手俟辦有基礎逐年推廣

第六條 本場經營期以七月一日至翌年六月末日爲一年度

第七條 本場採購或交換東西各國異種與本國各省良種及本省各屬佳種以廣試驗

第八條 本場附設各種苗圃培養苗木以分售各屬及外省

第九條 本場揀選植物發育完全者製成標本置農產陳列所并說明性質狀態土宜氣候如何登諸報端

第十條 本場定招場丁五十人專供培植

第十一條 本場作物苗木各項收入費均歸本會作基本金及常年經費之用

第十二條 本場聽人參觀以資見聞但不得違犯參觀規則「規則另訂」

### 第三章 職員

第十三條 本場設經理一員技士一員外工頭一人雜役一人場丁暫不定額

第十四條 前條經理技士各員由本會會長聘用或推選之須富有農業知識者

### 第四章 權職

第十五條 經理掌理全場事務及開支表冊書信文件與管理工人應接參觀人員等

第十六條 技士規畫全場業務指揮工作與改良作物方法等事

第十七條 工頭日率場丁工作及報告勤惰以彰賞罰

### 第五章 薪資

第十八條 經理一員月薪四十圓技士一員月薪四十圓(不另支火食但僱備外國技士時

月薪臨時定之)

第十九條 工頭一人月給工食洋五圓雜役一人場丁五十人月各給工食洋四圓

第二十條 前條各職員所定之薪水得視事務之繁簡由會長斟酌損益之但不得逾十圓以外

第二十一條 各職員之薪水由經理按月發給不得預支

### 第六章 計算

第二十二條 每月的經費須於上月扣算造冊報會本月終須造具決算表冊存會

第二十三條 半年度經營期終須將半年之開支收入詳造總冊報會

第二十四條 一年度經營期終須將一年之開支收入詳造總冊報會

第二十五條 每屆一年度終如下年應推廣進行之事件須將下年度之規畫扣算具冊報會以免臨時棘手

第二十六條 本場預算決算總數由省農會每年彙報 巡按使公署

第二十七條 本簡章有未完善處得斟酌增改

### 湖南省農會農產陳列所暫行簡章

一 名稱 本所由湖南省農會依據 部頒農會規程設立之定名曰湖南省農會農產陳列所

二 宗旨 本所為博採中外種子動植標本羅列所中備衆參攷以期農事之實行改良

三 所址 本所附設於本會會場內

四經費 本所經費由本會籌備俟款項充裕再行擴張

五職員 本所設管理員一人招待員一人均由本會幹事兼充之不另支薪

六徵採 本所陳列務期豐富凡本省各屬行政廳分農會須隨時徵集各該地種子物產送

所陳列外國他省則採購或交換之

七交換 本所以一省之物產有限外地他省有優良品種者務期交換而收廣效

八範圍 本所專就農產上而設凡物品祇及農產範圍以內者

九參觀 本所陳列農產品供遠近來賓之參觀以廣見聞

十招待 本所參觀人員須先報告招待員以便應接指引

十一期限 本所來賓定於每日上午十時至下午四時為參觀期

十二附則 本簡章有未盡善事宜得隨時更改

通告二則

湖南巡按使公署爲出示招考事照得北京高等師範學校於本年暑假內添招豫科一班前經

教育部核准由湘攷送三人於八月二十日前送京覆試合行示知投攷各生查照後開條件報名勿誤此示

計開

一 資格 中學畢業

二 考試科目

國文 英文 歷史 地理 理化 數學 博物

三 報名日期 七月一日起至二日止

四 報名手續 攜帶畢業文憑四寸半身相片并備繳卷費錢二百文

五 報名地點 省教育會

六 試期 七月初十一兩日

中華民國三年六月二十二日 示

湖南巡按使公署爲出示招考事案准北京清華學校函載敝校中等科一年級向由各省照章選送湖南應派學額四名希查照規約認真選送至京覆試等因合行廣告投考各生查照

六月廿八號

後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者

二 科目 國文 英文 讀作 歷史 地理 答問 算術 五命

三 試期 八月一日二日

四 覆試期 九月初十十一十二三日須八月底到京 湘華學校招考規約已登六月二十七號本報

中華民國三年六月二十二日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

國語教授法 洋二角八分八釐

算術教授法 洋一角六分八釐

手工教授法 洋一角一分四釐

圖畫教授法 洋一角一分四釐

以上四種日本田中廣吉著南州熊崇煦譯 合購洋六角八分四釐

初等小學讀本 第一卷 洋三分

初等小學讀本教案 第一卷 洋一角二分

初等小學讀本 第二卷 洋三分六釐

初等小學讀本教案

第二卷

洋一角八分

初等小學修身書

第一卷

洋一分八釐

初等小學修身教案

第一卷

洋六分

初等小學修身書

第二卷

洋二分四釐

初等小學修身教案

第二卷

洋六分

初等小學算術教案

第一卷

洋一元二角

小學各科實際教授法

第一卷

洋一元二角

手工教科書

第一卷

洋三角

少儀教科書

第一卷

洋九角

兒童教授法

第一卷

洋四角另二釐

兒童自力研究之啓導法

第一卷

洋二角四分

兒童個性之研究

第一卷

洋二角四分

新教育學

第一卷

洋二角四分

本局出售各書從前係照碼六折發行人經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意

# 商務印書館啓

敬啓者有版權之書籍不許翻印 政府定有專律懲罰其嚴湘人多有 未知誤犯法律雖暫獲利後患無窮情殊可憫頃得六月四日 司法部第四十號辦理日僱用特抄錄登報俾衆周知而免誤犯區區之心諒蒙 鑒察

## 司法部第四十號

爲飭知事五月十九日准農商部函開據全國商會聯合會呈稱據上海總商會議董印有模提議請通令各省嚴辦翻版一案經大會議決理合呈請轉咨司法部通飭各省審判官廳 遇此等案件務須按律辦理等情相應鈔錄原呈函請察核辦理等因到部查著作權律第二十三條以下所定禁刑禁嚴該會原呈所稱翻版之案湘鄂粵魯川豫等省最甚已經發見正在訴訟中者幾於無省不有等語足徵此項訴訟日漸增多自非援用該律切實保護不可爲此飭知各該廳暨兼理訴訟各該縣知事嗣後遇有侵害版權案件務須按照著作權律第四十條以下所定罰例切實辦理勿得稍涉輕縱此飭

司法總長 袁世凱

右飭

各省審判官廳知事

准此

印

中華民國三年六月四日